

Broj: 02-14/13-3181/16
Sarajevo, 14.03.2017. godine

Na osnovu člana 64. stav 1. tačka b), člana 70. i 89. Zakona o javnim nabavkama Bosne i Hercegovine ("Službeni glasnik BiH", broj: 39/14), a u skladu sa Izvještajem o radu i Preporukom Komisije za javne nabavke broj: 02-14/13-3181/16 od 14.03.2017. godine, u postupku javne nabavke usluga održavanja i popravke motornih vozila, ministar Federalnog ministarstva rada i socijalne politike, donosi:

O D L U K U O IZBORU NAJPOVOLJNIJEG PONUĐAČA

I

Prihvata se Izvještaj i Preporuka Komisije za javne nabavke broj: 02-14/13-3181/16 od 14.03.2017. godine za dodjelu Ugovora o javnoj nabavci usluga održavanja i popravke motornih vozila Federalnog ministarstva rada i socijalne politike, ponuđaču "TRIAB" d.o.o. Sarajevo, sa dostavljenom ponudom u kojoj je navedena ukupna cijena u iznosu od 11.163,99 KM sa uračunatim PDV-om.

II

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

III

Ova Odluka objavit će se na web stranici ovog Ministarstva, istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav 6. Zakona o javnim nabavkama BiH.

IV

U skladu sa članom 71. Zakona o javnim nabavkama BiH ponuđači koji su učestvovali u postupku javne nabavke održavanja i popravke motornih vozila ovog Ministarstva, najkasnije u roku od 7 dana bit će obavješteni o rezultatima postupka te će se istim uz obavještenje dostaviti i ova Odluka.

V

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke broj: 02-14/13-3181/16 od 05.12.2016. godine putem konkurentskog zahtjeva za dostavu ponuda, pokrenut je postupak nabavke održavanja i popravke vozila Federalnog ministarstva rada i socijalne politike.

Ukupna procjenjena vrijednost nabavke je 15.000 KM bez PDV-a za period od dvije (2) godine.

Postupak je proveden sa objavom Obavještenja o javnoj nabavci usluga na portalu javnih nabavki broj: 327-7-2-5-3-1/17 od 03.02.2017. godine.

U skladu sa navedenom Odlukom i Rješenjem o imenovanju komisije za javne nabavke broj: 02-14/13-3181/16 od 12.12.2016. godine, komisija za javnu nabavku je uputila zahtjeve za dostavljanje ponuda, sljedećim ponuđačima:

- "AC QUATTRO" d.o.o. Sarajevo,
- "PORSHE SARAJEVO" d.o.o. Sarajevo,
- BUNJO d.o.o. Sarajevo („TRIAB“ d.o.o Sarajevo) .

Nakon provedenog postupka javne nabavke komisija je dostavila ministru Federalnog ministarstva rada i socijalne politike Izvještaj i Preporuku broj: 02-14/13-3181/16 od 14.03.2017. godine, te kao sastavni dio istog Zapisnik o pregledu i ocjeni ponuda i Zapisnik sa javnog otvaranja ponuda od 17.02.2017. godine. U provedenom postupku po Izvještaju i Preporuci broj i datum gornji utvrđeno je da je komisija za javne nabavke blagovremeno i pravilno izvršila otvaranje i ocjenu prispjelih ponuda o čemu je sačinila Zapisnik sa javnog otvaranja.

Krajnji rok za dostavljanje ponuda bio je 17.02.2017.godine do 9:00 sati, a javno otvaranje ponuda zakazano je isti dan 17.02.2017.godine u 10:00 sati.

Na javno otvaranje ponuda pristigle su četiri ponude i to : „AUTODELTA“ d.o.o. Sarajevo, broj ponude: 19/AM/2017 od 16.02.2017. godine, pristigla 17.02.2017. godine u 8:15 sati, „ AC QUATTRO“ d.o.o. Sarajevo, broj ponude: 102/17 od 16.02.2017. godine, pristigla 17.02.2017.godine 8:30 sati, „TRIAB“ d.o.o. Sarajevo, broj ponude: 005/2017 od 13.02.2017. godine, pristigla 17.02.2017. godine u 8:30 sati i „PORSHE BH“ d.o.o. Sarajevo, broj ponude: 357/2017-S.H. od 15.02.2017. godine, pristigla 17.02.2017. godine u 8:50 sati.

Pregledom i analizom dostavljene dokumentacije ponuđača, Komisija je utvrdila da ponuda ponuđača "TRIAB" d.o.o. Sarajevo sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove, te da shodno utvrđenom kriteriju - najniža cijena, predstavlja najpovoljniju ponudu čiji uslovi su zadovoljavajući, te ova ponuda ispunjava sve zahtjeve ugovornog organa.

Imajući u vidu sve naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba najkasnije u roku od pet /5/ dana od dana prijema ove Odluke. Žalba se izjavljuje ugovornom organu Federalnom ministarstvu rada i socijalne politike sa sjedištem u Sarajevu, u pisanoj formi direktno ili preporučeno poštanskom pošiljkom na adresu: Ul. Marka Marulića br.2, Sarajevo.

Dostavljeno:

1. „TRIAB“ d.o.o Sarajevo,
"AC QUATTRO" d.o.o. Sarajevo,
„AUTODELTA“ d.o.o. Sarajevo,
"PORSHE SARAJEVO" d.o.o. Sarajevo
2. Kabinet ministra
3. Sektor 02
4. a/a

